

**Dumahêk: Bîranîna .....**

berê xwe nedaye xwendevanên Erebi, lê ji kurda bi tenê re derketiye, ew pirtir pêdiviyê xwendevanên Erebi e. Rojnama Erebi jî bi rola xwe derbarî pirsgerêka kurdî nerabû ye.)

**Şêx Mursîd Elxiznewî:** (Ez bi navê xwe û bi navê malbata xwe sipasiya vexwistina we dikim, ji ber ku rola Rojnamevaniyê di xebata miletan de gelek pêwîste. Lê hîn ya kurdî, ne li gor bûyeran e. Gerek guhdariyê li Yekîtiya kurd bikin, di vir de, rijîman zimanê kurdî qedexe kirine ji ber wilo çanda me bûye bi zimanê Erebi, di fêrbûna zimanê kurdî de em xwe şagirtî dibînin, gerek tuştê li mero buhurtî be, mirov lê vegere û şaşiyê serast bike.)

**Bessam Elte,éan :**(sipas, ez xêr û xweşiyê ji we re dixwazim,ez dibînim ku kêmasiyên rojnamevaniya Erebi gelek hene, wê ji bilî xwe pêve, guh nedaye tu kesî, ta nivîskarên wê jî, tu dibê qey ew parsê li ber dergê rojnamevaniyê dikin. Ez di rojnameyên kurdî de amademe binivîsim. Berî nih, min beşdarî di rojnamekê de li Erbilê dikir ,dawî her sal rojnama kurdî û milletê we yê leheng di xweşiyê de be.

**Evîn Şikakî:** (Di pêşî de, pîrozbahî ji nivîkaran hemiyar re ,ez bi hêvî me ya Erebi jî em bixwînin,kovarên me ji berê pirtir in, ji ber kurdîstana Iraqê arîkarî daye me ,em dixwazin hêz tev bibin yek, û arîkarî bi pîrekê re bibe da ku pêşkeve.)

**Hêminê Mindanî:** (Ciwantirîn silav ji rojnamên kurdî re, û ji malbata Bedirxaniyan re, ji ber ew li ba min

bavê çanda Kurdî ne, ez paşeroja kurda wek çirîskê ronahî di nêv ewrêkî tarî de û weke tîrêjek geş ez pê dil xweş im . Rewşa çandê, bi rewşa gelê me ve girêdayî ye, ez bi hêvî me yek û yek dengiya tevgera kurdî wek diyarî em bidin gelê xwe.)

**Xalidê Cemîl :** (Ev rojê şahî ye, nemaze hevdîtina rewşenbîran ji hev re di vê rojê de, rojnamevanî bi rolek mezin derbarê mafên kurd û kurdistanê rabûye. Lê reşwêk xweştir jê re pêwîste çiku bi gelemperî ew di asteke kêr de ye, ji ber pîspor di vî warî de ne hatine peydakirin, ew bi çakbîniyek xweş û hêja û hêviyek mezin lê dinerim û kêmasiyên wê nabînin.)

**Mihemed Qasim:** (-pêşî pîrozbahiyê li gelê kurd dikim, li her deverên kurdistanê. Hem sipasiya her kesê ku bizav di ber fîstîvala rojnamegiriya kurdî kiriye, çi bi folklor û huner, çi bi raman û lêkolîn û bi amadebûnê jî dikim,...bi hêvî me ku her gavê werin bihtir li pêş bin.ji aliyekî din ve, tête xwestin ji rojnamevanê kurd, ku karekî zor bike heta bighe avakirina kesayetîyeke azad û serbixwe.

- pêwîste ku rojname serbixwe be, ji alî partiyar ve bête ragir û pişgirtin, wekî ew kar di xizmeta millet de ye. heger di vê rewşê de bîne , bê guman, wê bibe rojnameyek rotînî, weke her welatê şûndemayî, û her rojnameya rûtînî bê sûd û mifa ye .-riya pêşketinê xuya ye: Hevkarî, hevpeyvîn, zanistî, dem buha bibînê, bi rêz li millet binêre û peywndiya bi her lextê millet ve girêde.. Ev jî, hinek mêranî jê re gerek e....!! **D.R (15)**